

Kentekens op Erkenningsbaadjie van Penkoppe en Drawwertjies

Regterkant:	Linkerkant
<p>Groepkenteken Die groepkenteken kom in die middel van die skouer, 50mm van die skouernaaf af. (Of 100mm in geval van fisies groter kind)</p>	<p>1. Voortrekkerwapen Die Voortrekkerwapen kom in die middel van die skouer, 50mm van die skouernaaf af. (Of 100mm in geval van fisies groter kind)</p>
<p>ABC-Toekenning Die kenteken kom 10mm van die onderkant van die groepkenteken af en slegs die hoogste toekenning word gedra.</p>	<p>2. Gebiedswapen Die gebiedswapen kom 10mm van die onderkant van die Voortrekkerwapen af</p>
<p>Spesialisiekentekens en Feesjaarkenteken: Die eerste Spesialisiekenteken kom in die middel, 10mm van die onderkant van die ABC-kenteken af. Indien geen ABC-kenteken gedra word nie, kom die eerste Spesialisiekenteken 50mm van die onderkant van die groepkenteken af. Verdere Spesialisiekentekens word, soos hulle verwerf word, 10mm uitmekaar aangebring met die tweede kenteken naaste aan die knopekant van die baadjie. Die derde kenteken word die naaste aan die synaatkant van die baadjie aangebring. Die vierde, vyfde en sesde kentekens word onderskeidelik 10mm onder die eerste, tweede en derde kentekens aangebring. Die sewende kenteken word 10mm onder die vierde kenteken aangebring. Verdere kentekens word volgens dieselfde patroon aangebring.</p>	<p>3. Kommandonaamlint Die kommandonaamlint kom 10mm van die onderkant van die gebiedswapen af.</p>
	<p>4. Spankenteken Die Spankenteken kom 10mm van die onderkant van die kommandonaamlint af.</p>
	<p>5. Rangkentekens: Die rangkentekens kom 10mm van die onderkant van die spankenteken af.</p>
<p>LW. Die Feesjaarkenteken word oorgedra na die Verkennerbaadjie.</p>	<p>6. Getroue Diensjare: Die kenteken kom 10mm onderkant die rangkenteken. Indien geen rangkentekens gedra word nie, kom die jukskei en/of voorjuk 50mm van die onderkant van die spankenteken af. 1. Na een jaar getroue diens word 'n oranje jukskei gedra. 2. Na jaar twee word dit vervang met 'n groen jukskei, jaar drie met 'n blou jukskei en jaar vier met 'n rooi jukskei. 3. Na vyf jaar getroue diens word die rooi jukskei met 'n oranje voorjuk vervang. 4. Na jaar ses word die voorjuk saam met die jukskei met die toepaslike kleur gedra. 5. Daarna word die voorjuk en die jukskei met die toepaslike kleure jaarliks aangepas. (Die voorjuk kom naaste aan die knope)</p>
	<p>7. Graadwiele Die eerste graadwiel kom in die middel, 10mm van die onderkant van die getroue diens kenteken af. Die tweede graadwiel kom langs die eerste, 10mm na die knopekant van die baadjie af. Die derde graadwiel kom langs die eerste, 10mm na die synaatkant van die baadjie af. Die vierde, vyfde en sesde graadwiele kom onderskeidelik 10mm onder die eerste, tweede en derde graadwiele. Die sewende graadwiel kom in die middel onder die vierde graadwiel. Na verwerwing in graad 7 word die dagbreekgraadwiel onderkant die sewende graadwiel vasgework.</p>

Penkop en Drawwertjie Erkeningsbaadjie uitleg

Januarie 2011

REGTERKANT

LINKERKANT

